

«Կապանի ճանապարհների շահագործման և շինարարական» ՍՊԸ կողմից ՀՀ Սյունիքի մարզի ավազակոպճային խառնուրդի երևակման տարածքում օգտակար հանածոյի երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտի վերաբերյալ 1-ին հանրային քննարկման

Ա Ր Ձ Ա Ն Ա Գ Ր ՈՒ Թ Յ ՈՒ Ն

24.10.2022թ.

ք. Կապան

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի /21.06.2014թ. ՀՕ-110-Ն/, ինչպես նաև ՀՀ կառավարության 19.11.2014թ. N 1325-Ն որոշմամբ սահմանված կարգով՝ որպես ազդակիր համայնք Կապանի համայնքապետարանի նիստերի դահլիճում 2022 թվականի հոկտեմբերի 20-ին, ժամը 12:00-ին տեղի ունեցավ «Կապանի ճանապարհների շահագործման և շինարարական» ՍՊԸ կողմից ՀՀ Սյունիքի մարզի ավազակոպճային խառնուրդի երևակման տարածքում օգտակար հանածոյի երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտի վերաբերյալ 1-ին հանրային քննարկումը:

Քննարկմանը ներկա էին «Կապանի ՃՇՇ» ՍՊԸ տնօրեն՝ Ա" Կարապետյանը, «Կապանի ՃՇՇ» ՍՊԸ գլխավոր ճարատարագետ՝ Ս" Առստամյանը, Կապանի համայնքապետարանի աշխատակիցներ, ինչպես նաև այլ քաղաքացիներ:

Հանրային քննարկման մասնակիցների անհատական կազմը կցվում է սույն արձանագրությանը:

Հանրային քննարկումը վարեց Կապան համայնքի ղեկավարի առաջին տեղակալ՝ Գոռ Թադևոսյանը: Նա ողջունեց ներկաներին, ներկայացրեց օրակարգը: Նա նշեց, որ «Կապանի ճանապարհների շահագործման և շինարարական» ՍՊԸ-ի կողմից 2022թ-ի հոկտեմբերի 3-ին ստացվել է գրություն ՀՀ Սյունիքի մարզի Սյունիք բնակավայրի ավազակոպճային խառնուրդի երևակման տարածքում օգտակար հանածոյի երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտի վերաբերյալ 1-ին հանրային քննարկումն անցկացնելու մասին: Նա հիշեցրեց, որ հանրային քննարկման վերաբերյալ կարելի էր ծանոթանալ «Հայաստանի Հանրապետություն» օրաթերթի 2022 թվականի հոկտեմբերի 1-ի թիվ 165 համարում, ինչպես նաև Կապանի համայնքապետարանի պաշտոնական կայքի հայտարարությունների բաժնում (www.kapan.am): Հանրային քննարկման վերաբերյալ դիտողություններ կամ առաջարկություններ էլեկտրոնային տարբերակով չեն ստացվել:

Զեկույցի համար խոսքը փոխանցվեց «Կապանի ՃՇՇ» ՍՊԸ գլխավոր ճարատարագետ՝ Սերգեյ Առստամյանին:

Զեկույց (Սերգեյ Առստամյան) - Հարգելի հանրային լսման մասնակիցներ, հանրային քննարկման վարողը արդեն ներկայացրեց հանքի վերաբերյալ: Այս փուլի համար նախատեսվող բոլոր փաստաթղթերն պատրաստ են: Մնում է հանրային լուսումներն անցկացվեն և տրվի համաձայնություն մեր գործունեությունն իրականացնելու համար:

Հարց (Գոռ Թաղևոսյան) - Որտե՞ղ է գտնվում տարածքը:

Պատասխան (Արարատ Կարապետյան) - Տարածքը անձնական տարածք է, որը գտնվում է Սյունիք բնակավայրում: Մենք ցանկանում են այնտեղ զարգացնել հանքարդյունաբերությունը:

Խոսք (Սերգեյ Առստամյան) - Հանքից ստացված արդյունքը դառնալու է ավագ, խիճ, որը օգտագործվելու է Կապանի տարածաշրջանում՝ ասֆալտի, ավագի և խիճի տեսքով: Մեր տարածաշրջանի համար կարևոր հանք է լինելու, որը օժանդակելու է մեր Կապանի տարածաշրջանի զարգացմանը:

Խոսք (Գոռ Թաղևոսյան) - Շատ կարևոր է, որ գործունեությունը նաև նախատեսի սոցիալական և տնտեսական ծրագրերի իրականացում և նաև ապագայում կշեշտենք համայնքի հանդեպ ստացած սոցիալական ծրագրերի և պարտավորությունների չափը:

Խոսք (Արարատ Կարապետյան) - Մենք դա անպայման կատարելու ենք:

Խոսք (Գոռ Թաղևոսյան) - Եթե կան հարցեր՝ կարող եք բարձրաձայնել, որպեսզի շահագործող ընկերությունը պատասխանի հարցերին: Եթե չկան հարցեր, հանրային քննարկման նախնական փուլն համարենք փակված, մյուս հանրային քննարկումներն կկատարվեն ըստ օրենքի:

Հանրային քննարկման պատասխանատու

Կապան համայնքի ղեկավարի առաջին տեղեկալ



Գոռ Թաղևոսյան

Ձեռնարկող՝

«Կապանի ՃՇՇ» ՍՊԸ տնօրեն



Արարատ Կարապետյան

Հանրային քննարկման վարորդ

Կապան համայնքի ղեկավարի առաջին տեղակալ

Գոռ Թաղևոսյան

Հանրային քննարկման արձանագրող՝

Կապանի համայնքապետարանի

տնտ" զարգ" և արտ" կապերի բաժնի

առաջատար մասնագետ

Աննա Սարգսյան

Աննա Սարգսյան